

Fiskeridirektoratet
postmottak@fiskeridir.no

INNSPEL TIL FORSLAG TIL REGULERING AV FISKET ETTER HESTMAKRELL 2024

Pelagisk Forening viser til sak 18/2023 på reguleringsmøtet 2023.

I direktoratet sitt reguleringsdokument står det at «Fiskeridirektoratet foreslår at det fastsettes en kvote på 5 000 tonn hestmakrell i 2024, hvorav 3 000 tonn fastsettes som kvote til fartøy under 15 meter som fisker med not innenfor 12 nautiske mil av grunnlinjene og 2 000 tonn settes av til dekning av bifangst av hestmakrell i fisket etter andre arter.»

Forslaget om å begrensa direktefiske til å berre kunne skje med nót, og berre innanfor 12-mila er nytt i år. Diverre blei dette ikkje drøfta på reguleringsmøtet.

I følge direktoratet var det per 17. oktober 2023 «totalt fisket 4 456 tonn hestmakrell innværende år. Fisket har foregått i norsk økonomisk sone.» Dette er godt under totalkvoten på 5 000 tonn. Gjeldande regulering har altså ikkje vore nok stort problem i praksis.

Pelagisk Forening ser at kvoterådet er lågt, og at det er naudsynt med tiltak. Samstundes meiner Pelagisk Forening det er feil å stenga fartøy ute frå fiskeri fartøya tradisjonelt har deltatt i.

Pelagisk Forening ber om at kvoten avsett til direktefiske (3000 tonn) blir regulert som tidle-gare år. Dvs. at alle grupper får høve til å fiska hestmakrell, og at direktefisket ikkje blir reserverert ei gruppa. Om naudsynt får heller direktoratet stenga fisket dersom kvoten for direktefiske blir berekna oppfiska.

Pelagisk Forening ber òg om at farvatnet for lovleg direktefiske ikkje blir redusert til å berre vera innanfor 12-mila, men at det fortsett blir lovleg med direktefiske i NØS.

Pelagisk Forening forstår det slik at ICES planlegg ein metoderevisjon for i 2024. Eventuell endring av kvotefordeling, farvatn, og fartøystorleik bør venta til etter metoderevisjonen.

Pelagisk Forening meiner òg at dersom direktoratet sitt forslag blir gjennomført så må ikkje forslaget føra til at fisket etter hestmakrell skal vera forbeholdt kystgruppa under 15 meter dersom kvoterådet blir auka i framtida. Det same gjeld innskrenkinga i farvatn som direktoratet foreslår.

Bergen: 28.11.23

Pelagisk Forening/
Pelagisk Servicekontor AS



Ask Økland
Advokat



Mariann Frantsen
Dagleg leiar